

Fočak sletio Golfom u rijeku Drinu i poginuo

Dvadesetdvogodišnji mladić čiji su inicijali R.M. iz Foče poginuo je u mjestu Patkovina, kada je automobilom sletio u rijeku Drinu, rečeno je u fočanskoj Policijskoj upravi.

Saobraćajna nesreća dogodila se jutros nešto poslije 04:00 sati na magistralnom putu Foča – Goražde kada je mladić, upravljajući vozilom Golf 2 sletio u rijeku.

Tijelo mladića na obali Drine pronašli su pripadnici Teritorijalne vatrogasne jedinice, policije, Spasilačkog kluba "Volf" i Doma zdravlja, koji su izašli na mjesto nesreće.

Policija je obavila uviđaj, a pretpostavlja se da je uzrok nesreće, najvjerovatnije, neprilagođena brzina. (srna)

Date: 14-04-2019